

XEEV OREGON TSAB CAI HAIS TXOG KEV TUAV TSWJ (OREGON  
ADMINISTRATIVE RULES)  
LUB OOS KAS SAIB XYUAS KEV NOJ QAB HAUS HUV HAUV XEEV OREGON  
(OREGON HEALTH AUTHORITY), FEEM SAIB XYUAS KEV NOJ QAB HAUS HUV  
RAU PEJ XEEM  
TSHOOJ 333

**FEEM SAIB XYUAS HAUJ LWM 19**

**KEV SOJ QAB TAUG LWM THIAB KEV TSWJ XYUAS TXOG COV KAB MOB: COV  
ZOG THIAB COV TES HAUJ LWM YUAV TSUM TAU UA TXHUA YAM (THUAJ  
PAIS)**

**333-019-1030**

**Cov Qauv Cai Kev Txhaj Tshuaj Tiv Thaiv Tus Kab Mob Khaus Viv-19 (COVID-19) rau  
Cov Xib Fwb Qhia Ntawv thiab Cov Neeg Lis Hauj Lwm Tim Tsev Kawm Ntawv**

(1) Cov me nyuam yaus uas yuav tsum tau mus kawm ntawv tim tsev kawm, uas yog ib lub chaw yuav tau sib ntsib ua ke ces yuav yog lub chaw uas sib kis Tus Kab Mob Khaus Viv-19 (COVID-19) tau yooj yim yog tsis ceev faj. Tus Kab Mob Khaus Viv-19 (COVID-19) nquag hloov mus ua lwm hom kab mob thaum lub sij hawm dhau mus uas yuav ua rau sib kis mob tau zoo dua los sis ua rau muaj mob hnyav dua. Thaum lub sij hawm uas qhov kev cai no raug muab hloov kho, Delta yog tus yam ntxwv nib uas ua rau muaj ntau tshaj 98 feem pua ntawm cov quav zis ntshav uas yuav coj mus tshuaj xyuas kab mob ua ntu zus los nyob rau hauv xeev Oregon. Tus yam ntxwv mob ntawm Delta mas yog ib tus yam ntxwv uas muaj kwv yees thaj tsam li ob txog rau peb npaug ntawm kev sib tau yooj yim dua cov yam ntxwv mob ntawm Tus Kab Mob Khaus Viv-19 (COVID-19) ntawm hom kis los ntawm tsiaj hav zoov yav nram ntej ntawd. Qhov no tshwm sim mus ua ib qho pov thawj tias cov neeg uas kis tau tus yam ntxwv mob ntawm Delta muaj cov keeb ntawm tus kab mob vais lav zoo sib xws tsis hais yuav yog rau fab twg ntawm txheej xwm kev txhaj tshuaj tiv thaiv kab mob xav tawm tswv yim qhia tias tab txawm yuav muaj tus tshuaj txhaj tiv thaiv kab mob tsoo nkag tau mus rau hauv lawm los xij tej zaum cov kis (kaus lab nis) mob ntawd yeej tseem yuav sib kis tau tus yam ntxwv mob no yam tau zoo heev. Yog li qhov raug txhaj tshuaj mas tseem ceeb rau kev tiv thaiv kev sib kis tus kab mob Delta. Cov kab mob hloov hom tshiab ntawm Tus Kab Mob Khaus Viv-19 (COVID-19) tab tom sib kis mus thoob plaws rau hauv lub xeev rau cov neeg uas tsis tau txhaj tshuaj tiv thaiv kab mob ces thiaj li ua rau sib kis mob ntau zuj zus tuaj rau cov neeg uas twb txhaj tshuaj tiv thaiv kab mob puv lawm. Txoj kev cai no mas tsim nyog los pab tswj Tus Kab Mob Khaus Viv-19 (COVID-19), thiab tiv thaiv cov me nyuam kawm ntawv, cov xib fwb qhia ntawv, cov neeg lis hauj lwm tim tsev kawm ntawv, thiab cov neeg ua hauj lwm pab dawb.

(2) Rau cov hom phiaj ntawm txoj kev cai no, yuav siv tau rau cov ntsiab lus tshab txhais raws li nram qab no:

(a) "Tus Kab Mob Khaus Viv-19 (COVID-19)" txhais tau tias yog ib tug kab mob uas ua rau muaj mob hnyav rau fab kev ua pa vim los ntawm tus kab mob khaus lauv nam vais lav 2 (SARS-CoV-2).

(b) "Tus tib neeg uas tau txais kev txhaj tshuaj tib thaiv kab mob txhij txhua" txhais hais tias yog ib tus tib neeg uas tau txais tag nrho ob koob tshuaj txhaj tiv thaiv kab mob ntawm yam tshuaj txhaj tiv thaiv Tus Kab Mob Khaus Viv-19 (COVID-19) hom txhaj ob koob los sis ib koob tshuaj txhaj tiv thaiv kab mob ntawm yam tshuaj tiv thaiv Tus Kab Mob Khaus Viv-19 (COVID-19) thiab yam tsawg twb dhau 14 hnub lawm suav txij li hnub uas tus neeg ntawd tau txhaj koob tshuaj txhaj tiv thaiv kab mob kawg nkaus ntawm yam tshuaj txhaj tiv thaiv Tus Kab Mob Khaus Viv-19 (COVID-19) mus.

(c) "Kev zam rau kev kho mob" txhais tau tias ib tug neeg muaj mob tsis taus rau lub cev los sis kev puas siab puas ntsws uas ua rau nws tsis tau txais kev txhaj tshuaj tiv thaiv Tus Kab Mob Khaus Viv-19 (COVID-19).

(d) "Kev zam rau fab kev ntseeg" txhais tau tias ib tug neeg muaj ib hom kev ntseeg nruj heev uas ua rau nws tsis tau txais kev txhaj tshuaj tiv thaiv Tus Kab Mob Khaus Viv-19 (COVID-19).

(e) "Pov thawj txog kev txhaj tshuaj tiv thaiv kab mob" txhais tau hais tias yog kev sau ua ntaub ntawv cia los ntawm haiv neeg tsawg, tsoom fwv, lub xeev los sis tsoom fwv lub chaw ua hauj lwm hauv zej zos los sis ib tus kws saib xyuas mob nkeeg, suav txog ib tus tib neeg lub npe, hnub yug, hom txhaj tshuaj tiv thaiv Tus Kab Mob Khaus Viv-19 (COVID-19) uas tau txhaj rau, hnub tim los sis cov hnub tim uas tau txhaj tshuaj rau, nyob ntawm seb yog hom tshuaj txhaj tiv thaiv kab mob uas txhaj ib koob xwb los sis yog hom tshuaj txhaj tiv thaiv kab mob uas txhaj ob koob, thiab lub npe/qhov chaw ntawm tus kws saib xyuas mob nkeeg los sis lub chaw uas tswj xyuas kev txhaj tshuaj tiv thaiv kab mob. Kev sau ua ntaub ntawv cia tej zaum yuav muaj xws li daim npav teev tseg txog kev txhaj tshuaj tiv thaiv Tus Kab Mob Khaus Viv-19 (COVID-19) los sis ib daim ntawv theej los sis daim duab yees tseg ntawm daim npav teev tseg txog kev txhaj tshuaj tiv thaiv kab mob, los sis ib daim npav luam tawm los ntawm feem tso npe txhaj tshuaj hauv Lub Oos Khas Saib Xyuas Kev Noj Qab Haus Huv Hauv Xeev Oregon.

(f) "Tsev kawm ntawv":

(A) Txhais tau tias yog tsoom fwv ib qho khoos kas qhia ntawv, khoos kas qhia ntawv uas muaj tswv, khoos kas qhia ntawv rau hauv ib cheeb tsam zej zos, khoos kas qhia ntiag tug los sis lwm khoos kas qhia ntawv uas muab rau tsev kawm me nyuam yaus ti nkaus qib kawm 12 los sis yog ib feem ntawm cov tsev kawm ntawd.

(B) Tsis txhais tau tias tsuas yog siv rau qhov khoos kas qhia ntawv rau cov me nyuam yaus me xwb tab sis kuj siv tau mus ti nkaus qib kawm me nyuam yaus thiab.

(g) "Khoos kas qhia ntawv rau hauv tsev kawm ntawv" txhais tau tias yog ib qho khoos kas qhia ntawv rau cov me nyuam yaus los sis cov me nyuam kawm ntawv uas tau tuaj rau ntawm chaw los sis tuaj rau hauv tej chaw qhia ntawv tim tsev kawm ntawv.

(h) "Cov neeg lis hauj lwm thiab cov neeg pab ua hauj lwm dawb rau qhov khoos kas qhia ntawv rau hauv tsev kawm ntawv":

(A) Txhais tau tias yog txhua tus uas muaj hnub nyoog 16 thiab siab dua:

(i) Tus uas raug ntiav ua hauj lwm los ntawm ib qho khoos kas qhia ntawv rau hauv tsev kawm ntawv los sis tus uas tsis raug ntiav ua hauj lwm tab sis tuaj koom pab lwm yam los muab tej khoom pab los sis pab cuam rau qhov khoos kas qhia ntawv rau hauv tsev kawm ntawv raws li qhov kev pom zoo rau ntawm feem kev kawm thiab kev qhia raws txheej txheem los sis tsis raws txheej txheem, tsis hais yuav tau them nyiaj rau los sis tau them nyiaj rau, thiab suav nrog cov xib fwv qhia ntawv, cov neeg tswj xyuas txoj cai, cov neeg saib xyuas me nyuam yaus, cov neeg

tu vaj tse, cov kws pab tswv yim, cov kws tsav tsheb xa me nyuam mus los rau qhov khoos kas qhia ntawv rau hauv tsev kawm ntawv, cov neeg hauv tsev neeg uas yeem pab ua hauj lwm dawb rau; thiab

(ii) Kev npaj tej khoom los sis tej kev pab cuam rau ntawm los sis rau ntawm qhov khoos kas qhia ntawv rau hauv tsev kawm ntawv uas suav txog qhov yuav tau sib chwv ncaj qha los sis tsis ncaj qha nrog cov me nyuam yaus los sis cov me nyuam kawm ntawv.

(B) Tsis txhais tau tias yog cov neeg tuaj saib rau lub sij hawm luv luv los sis cov neeg uas xa khoom ub no.

(i) "Cov xib fwb qhia ntawv, cov neeg lis hauj lwm tim tsev kawm ntawv thiab cov neeg ua hauj lwm pab dawb":

(A) Txhais tau tias yog txhua tus uas muaj hnuv nyoog 16 thiab siab dua:

(i) Tus uas raug ntiav ua hauj lwm rau ntawm ib lub tsev kawm ntawv los sis ib tug uas tsis raug ntiav ua hauj lwm tab sis tuaj koom pab lwm yam los muab tej khoom pab los sis pab cuam rau los sis rau ntawm ib lub tsev kawm ntawv raws li qhov kev pom zoo rau ntawm feem kev kawm thiab kev qhia raws txheej txheem los sis tsis raws txheej txheem, tsis hais yuav tau them nyiaj rau los sis tau them nyiaj rau, thiab suav nrog cov xib fwb qhia ntawv, cov neeg tswj xyuas txoj cai, cov neeg tu vaj tse ub no, cov neeg tu vaj tse, cov kws pab tswv yim, cov kws tsav tsheb npav, cov tsev neeg uas yeem pab ua hauj lwm dawb rau thiab cov xib fwb qhia ntawv uas sib hloov pauv; thiab

(ii) Kev npaj tej khoom los sis tej kev pab cuam rau ntawm los sis rau ntawm ib lub tsev kawm ntawv uas suav txog qhov yuav tau sib chwv ncaj qha los sis tsis ncaj qha nrog cov me nyuam kawm ntawv.

(B) Tsis txhais tau tias yog cov neeg tuaj saib rau lub sij hawm luv luv, cov neeg xa khoom ub no, los sis cov tswv cuab ntawm pawg thawj saib xyuas tsev kawm ntawv tshwj tsis yog lawv kuj yog cov pab ua hauj lwm dawb rau hauv tsev kawm ntawv thiab.

(3) Tom qab Lub Kaum Hlis Ntuj Hnuv Tim 18, 2021:

(a) Cov xib fwb qhia ntawv, cov neeg lis hauj lwm rau tim tsev kawm ntawv thiab cov neeg ua hauj lwm pab dawb tej zaum yuav tsis tau qhia ntawv, tsis kawm, tsis tshawb fawb, tsis pab, tsis soj ntsuam xyuas, los sis tsis ua hauj lwm pab dawb rau hauv ib lub tsev kawm ntawv tshwj tsis yog lawv raug txaj tshuaj tiv thaiv kab mob txhij txhua lawm los sis lawv tau npaj tej ntaub ntawv muaj mob los sis muaj kev zam rau fab kev ntseeg.

(b) Ib lub tsev kawm ntawv yuav tsis ntiav, tsis cog lus nrog, los sis tsis kam lees ua hauj lwm pab dawb ntawm cov xib fwb qhia ntawv, cov neeg lis hauj lwm rau tim tsev kawm ntawv los sis cov neeg ua hauj lwm pab dawb uas tab tom qhia ntawv, tab tom ua hauj lwm, tab tom kawm, tab tom tshawb fawb, tab tom pab, tab tom soj ntsuam xyuas, los sis tab tom ua hauj lwm pab dawb rau ntawm lub ib lub tsev kawm ntawv tshwj tsis yog cov xib fwb qhia ntawv los sis cov neeg lis hauj lwm tim tsev kawm ntawv no raug txhaj tshuaj txhij txhua los tiv thaiv Tus Kab Mob Khaus Viv-19 (COVID-19) lawm los sis muaj ntaub ntawv teev tseg txog kev muaj mob los sis kev zam raau fab kev ntseeg.

(4) Rau thaum los sis ua ntej Lub Kaum Hli Ntuj Hnuv Tim 18, 2021, cov xib fwb qhia ntawv, cov neeg lis hauj lwm rau tim tsev kawm ntawv thiab cov neeg ua hauj lwm pab dawb yuav tsum muab tej ntaub ntawv pov thawj qhia rau lawv lub tsev kawm ntawv, tus tswv num los sis tus neeg cog lus hauj lwm:

(a) Daim ntawv pov thawj txog kev txhaj tshuaj tiv thaiv kab mob uas qhia txog qhov tau txhaj tshuaj txhij txhua lawm; los sis

(b) Tej ntaub ntawv kev kuaj mob los sis kev zam rau fab kev ntseeg.

(A) Ib qho kev zam rau kev muaj mob mas yuav tsum yog ntaub ntawv ua pov thawj los ntawm ib daim ntawv kos npe ntawm ib tug kws kuaj mob, uas tsis yog tus neeg uas tab tom nrhiav kev zam, sau rau ib daim ntawv foos raws li tau piav tseg los ntawm Lub Oos Kas Saib Xyuas Kev Noj Qab Haus Huv Hauv Xeev Oregon, ua pov thawj tias tus neeg no muaj ib qho mob rau lub cev los sis muaj ib qho tsis taus rau kev puas siab puas ntsws uas ua rau nws tsis taus los txhaj tshuaj tiv thaiv tus kab mob COVID-19 raws li feem kev tshuaj ntsuam xyuas rau hom mob ntawd, thiab tias yuav tsum hais kom meej tias qhov tsis taus ntawd mas yog tsis taus mus ib ntus xwb los sis los yuav tsis taus mus tag ib txhis.

(B) Ib qho kev zam rau fab kev ntseeg mas yuav tsum muaj pov thawj los ntawm ib daim ntawv sau, sau rau ib daim ntawv foos raws li hais tseg los ntawm Lub Oos Kas Saib Xyuas Kev Noj Qab Haus Huv Hauv Xeev Oregon, kos npe los ntawm yus tus kheej tias yus tus kheej tab tom thov ib qho kev zam tsis cia txhaj tshuaj tiv thaiv tus kab mob COVID-19 vim muaj kev ntseeg nruj thiab piav qhia txog qhov kev txhaj tshuaj tiv thaiv kab mob no yuav tsis haum li cas rau fab kev ntseeg, kev nqis tes ua, los sis kev ntseeg ntawm tus kheej.

(5) Cov tsev kawm ntawv uas tau txais kev zam tsis raug txhaj tshuaj tiv thaiv kab mob raws li tshooj ntawv (4) ntawm txoj kev cai no yuav tsum tau ua tej kauj ruam kom tsim nyog los saib xyuas kom cov xib fwb qhia ntawv, cov neeg lis hauj lwm tim tsev kawm ntawv thiab cov neeg ua hauj lwm pab dawb uas tsis raug txhaj tshuaj tiv thaiv kab mob ntawd raug tiv thaiv los ntawm kev sib tiv toj thiab kev sib kis tus kab mob khaus viv-19 (COVID-19).

(6) Rau thaum los sis ua ntej Lub Kaum Hli Ntuj Hnub Tim 18, 2021, cov tsev kawm ntawv yuav tsum muaj tej ntaub ntawv uas txhua tus xib fwb qhia ntawv, cov neeg lis hauj lwm tim tsev kawm ntawv thiab cov neeg ua hauj lwm pab dawb kom raws li tshooj ntawv (4) ntawm txoj kev cai no.

(7) Tom qab Lub Kaum Hlis Ntuj Hnub Tim 18, 2021:

(a) Cov neeg lis hauj lwm rau qhov khoos kas qhia ntawv rau hauv tsev kawm ntawv, cov neeg lis hauj lwm rau tim tsev kawm ntawv thiab cov neeg ua hauj lwm pab dawb tej zaum yuav tsis tau qhia ntawv, tsis tau ua hauj lwm, tsis tau muab kev saib xyuas, tsis kawm, tsis tshawb fawb, tsis pab, tsis soj ntsuam xyuas, los sis tsis ua hauj lwm pab dawb rau hauv ib qho khoos kas qhia ntawv rau hauv lub tsev kawm ntawv tshwj tsis yog lawv raug txaj tshuaj tiv thaiv kab mob txhij txhua lawm los sis lawv tau npaj tej ntaub ntawv muaj mob los sis muajkev zam rau fab kev ntseeg.

(b) Ib qhov khoos kas qhia ntawv rau hauv lub tsev kawm ntawv yuav tsis ntiav, tsis cog lus nrog, los sis tsis kam lees ua hauj lwm pab dawb ntawm cov neeg lis hauj lwm rau qhov khoos kas qhia ntawv rau hauv tsev kawm ntawv los sis cov neeg ua hauj lwm pab dawb uas tab tom qhia ntawv, tab tom ua hauj lwm, tab tom muab kev saib xyuas, tab tom kawm, tab tom tshawb fawb, tab tom pab, tab tom soj ntsuam xyuas, los sis tab tom ua hauj lwm pab dawb rau ntawm lub ib qho khoos kas qhia ntawv rau hauv lub tsev kawm ntawv tshwj tsis yog cov neeg los sis cov neeg ua hauj lwm pab dawb no raug txhaj tshuaj txhij txhua los tiv thaiv Tus Kab Mob Khaus Viv-19 (COVID-19) lawm los sis muaj ntaub ntawv teev tseg txog kev muaj mob los sis kev zam raau fab kev ntseeg.

(8) Rau thaum los sis ua ntej Lub Kaum Hli Ntuj Hnub Tim 18, 2021, cov neeg lis hauj lwm qhov khoos kas qhia ntawv rau hauv tsev kawm ntawv thiab cov neeg ua hauj lwm pab dawb yuav tsum muab tej ntaub ntawv pov thawj qhia rau lawv qhov khoos kas qhia ntawv rau hauv tsev kawm ntawv:

(a) Daim ntawv pov thawj txog kev txhaj tshuaj tiv thaiv kab mob uas qhia txog qhov tau txhaj tshuaj txhij txhua lawm; los sis

(b) Tej ntaub ntawv kev kuaj mob los sis kev zam rau fab kev ntseeg.

(A) Ib qho kev zam rau kev muaj mob mas yuav tsum yog ntaub ntawv ua pov thawj los ntawm ib daim ntawv kos npe ntawm ib tug kws kuaj mob, uas tsis yog tus neeg uas tab tom nrhiav kev zam, sau rau ib daim ntawv foos raws li tau piav tseg los ntawm Feem Muaj Cai Saib Xyuas, ua pov thawj tias tus neeg no muaj ib qho mob rau lub cev los sis muaj ib qho tsis taus rau kev puas siab puas ntsws uas ua rau nws tsis taus los txhaj tshuaj tiv thaiv tus kab mob COVID-19 raws li feem kev tshuaj ntsuam xyuas rau hom mob ntawd, thiab tias yuav tsum hais kom meej tias qhov tsis taus ntawd mas yog tsis taus mus ib ntus xwb los sis los yuav tsis taus mus tag ib txhis.

(B) Ib qho kev zam rau fab kev ntseeg mas yuav tsum muaj pov thawj los ntawm ib daim ntawv sau, sau rau ib daim ntawv foos raws li hais tseg los ntawm Lub Oos Kas Saib Xyuas Kev Noj Qab Haus Huv Hauv Xeev Oregon, kos npe los ntawm yus tus kheej tias yus tus kheej tab tom thov ib qho kev zam tsis cia txhaj tshuaj tiv thaiv tus kab mob COVID-19 vim muaj kev ntseeg nruj thiab piav qhia txog qhov kev txhaj tshuaj tiv thaiv kab mob no yuav tsis haum li cas rau fab kev ntseeg, kev nqis tes ua, los sis kev ntseeg ntawm tus kheej.

(9) Cov khoos kas qhia ntawv rau hauv tsev kawm ntawv uas tau txais kev zam tsis raug txhaj tshuaj tiv thaiv kab mob raws li tshooj ntawv (8) ntawm txoj kev cai no yuav tsum tau ua tej kauj ruam kom tsim nyog los saib xyuas kom cov xib fwb qhia ntawv, cov neeg lis hauj lwm qhov khoos kas qhia ntawv rau hauv tsev kawm ntawv thiab cov neeg ua hauj lwm pab dawb uas tsis raug txhaj tshuaj tiv thaiv kab mob ntawd raug tiv thaiv los ntawm kev sib tiv toj thiab kev sib kis tus kab mob khaus viv-19 (COVID-19).

(10) Rau thaum los sis ua ntej Lub Kaum Hli Ntuj Hnub Tim 18, 2021, cov khoos kas qhia ntawv rau hauv tsev kawm ntawv yuav tsum muaj tej ntaub ntawv uas txhua tus xib fwb qhia ntawv, cov neeg lis hauj lwm qhov khoos kas qhia ntawv rau hauv tsev kawm ntawv thiab cov neeg ua hauj lwm pab dawb kom raws li tshooj ntawv (8) ntawm txoj kev cai no.

(11) Ib lub tsev kawm ntawv yuav thov tias ib qho khoos kas qhia ntawv rau hauv tsev kawm ntawv uas tab tom muaj rau tim tsev kawm ntawv, yuav tau lees tias puas yog ua raws li los sis tsis raws li txoj kev cai no. Yog ib qho khoos kas qhia ntawv rau hauv tsev kawm ntawv tau txais ib daim ntawv thov zoo li no tuaj ntawm ib lub tsev kawm ntawv, qhov khoos kas no yuav tsum tau teb rov qab mus.

(12) Tej zaum qhov khoos kas qhia ntawv rau hauv tsev kawm ntawv yuav thov tias ib lub tsev kawm ntawv uas lawv xav kom muaj kev qhia ntawv, yuav tau lees tias puas yog ua raws li los sis tsis raws li txoj kev cai no. Yog ib lub tsev kawm ntawv tau txais ib daim ntawv thov zoo li no tuaj ntawm qhov khoos kas qhia ntawv rau hauv tsev kawm ntawv, lub tsev kawm ntawv no yuav tsum tau teb rov qab mus.

(13) Tsis muaj dab nyob hauv txoj kev cai no yuav txhoh txwm txwv txiav cov tsev kawm ntawv los sis cov khoos kas qhia ntawv rau hauv tsev kawm ntawv los ntawm:

(a) Ua raws li Txoj Cai Saib Xyuas Neeg Meskas Xiam Oob Qhab (Americans with Disabilities Act) thiab txoj cai Title VII ntawm Txoj Cai Ntsig Txog Pej Xeem Cov Cai, thiab lub xeev txoj cai lij choj uas muaj feem siv tau ib yam, rau cov neeg uas tsis muaj peev txhaj tshuaj tiv thaiv kab mob vim muaj mob los sis muaj ib qho kev ntseeg dawb huv tiag tiag.

(b) Thaum muaj tej qauv cai txwv nruj los sis tej qauv cai txwv ntxiv, xws li yuav tsum kom cov xib fwb qhia ntawv, cov neeg lis hauj lwm tim tsev kawm ntawv thiab cov neeg ua hauj lwm pab dawb, thiab cov neeg lis hauj lwm rau qhov khoos kas qhia ntawv rau hauv tsev kawm ntawv thiab cov neeg ua hauj lwm pab dawb yuav tsum muaj tej ntaub ntawv ntxiv los sis tau txhaj tshuaj tiv thaiv kab mob COVID-19 yog tias raug hais los ntawm Tsoom Fwv Meskas Lub Chaw Tswj Xyuas thiab Tiv Thaiv Kab Mob.

(c) Teeb tsa cov qauv cai no rau thaum hnuv xub pib.

(d) Kev tso cai rau ib lub tsev kawm ntawv los sis lwm lub chaw lis hauj lwm ntawm tsoom fwv los mus suav sau cov ntaub ntawv uas xav tau raws li tshooj ntawv (4), (6), (8) thiab (10) ntawm txoj kev cai no.

(14) Tej ntaub ntawv txhaj tshuaj tiv thaiv kab mob thiab tej ntaub ntawv muaj mob thiab tej kev zam rau fab kev ntseeg yuav tsum raug:

(a) Tuav tseg kom mus raws li tsoom fwv thiab lub xeev cov cai lij choj;

(b) Tuav tseg mus ntev tsawg kawg ob lub xyoos; thiab

(c) Muab qhia rau Lub Oos Kas Saib Xyuas Kev Noj Qab Haus Huv Hauv Xeev Oregon raws li thaum thov txog.

(15) Cov tsev kawm ntawv thiab cov khoos kas qhia ntawv rau hauv tsev kawm ntawv uas ua txhaum ib qho ntawm txoj kev cai no mas yuav raug nplua nyiaj txog \$500 toj hnuv raws li qhov ua txhaum.

**Kev Muaj Cai Raws Li Kev Cai Lij Choj/Lwm Yam Kev Tso Cai:** ORS 413.042, ORS 431A.010, ORS 431.110 & ORS 433.004

**Tau Siv Cov Cai Lij Choj/Lwm Cov Cai:** ORS 431A.010, ORS 431.110 & ORS 433.004